

Te Reo Rangatira Kaupae 1

Te Pūrongo Aromatawai ā-Waho 2025



Te Marautanga o Aotearoa	Te Reo Rangatira
Te Rā Aromatawai	9 & 10 o Māhuru 2025
Te Momo Aromatawai	He Tūmahi Aromatawai Pātahi (TAPā)
Te Paerewa Paetae	92075 & 92076

Te Wāhanga 1: He Tirohanga Whānui

92075:

He aromatawai e hāngai ana ki te ao o te taiohi, mā te ākongā ētahi o ngā rautaki reo e whakamahi hei whakaatu mai i ōna māramatanga ki aua rautaki reo. Ko ngā tauira o ngā rautaki reo ko te:

1. he whakarāpopoto kōrero,
2. ka whakahāngai i te reo,
3. ka whakapuaki anō i tētahi kōrero,
4. ka whakarerekē i te reo.

He pai te taumata o ngā whakautu ā te nuinga o ngā ākongā. E rua ngā kiriata hei tīpako, hei whiriwhiri mā te ākongā; ko te reo te matū o ēnei whakaaturanga ahakoa he mahi hākinakina, te reo o te marae rānei.

92076:

Ko tā tēnei paerewa he aromatawai i te kaha o te ākongā ki te whakamārama i ngā āhuatanga motuhake o tētahi momo reo, arā ko te whakataukī, ko te reo peha, ko te kupu taurite, ko te huarite, ko te kīwaha, ko te kīpeha, ko te kīrehu, ko te huahuatau.

Ko te Tautuhinga he wāhi hei āwhina i ngā Kaiako me ngā ākongā mō te momo reo te horopaki e puta ai i tōna māramatanga, tōtōpū i ngā āhuatanga motuhake o tētahi momo reo kua ākona.

Te Wāhanga 2: He kōrero mō te Paerewa Paetae

92075: Te whakamahi i ētahi rautaki reo.

Pūrongo Paerewa Paetae:

Ngā ākonga i whakawhiwhia ki te **Kairangi**:

- i whaihua te whakamahinga o ngā rautaki reo e rua.
- i wetewete i ngā āhuatanga e hāngai ana ki te horopaki.
- i matapaki i ngā āhuatanga e hāngai ana ki te horopaki.
- i tāpirihia ake he kupu taunaki, he kupu whakarākau hoki.
- i whakahāngai i te rautaki reo me te horopaki ki te ākonga anō.

Ngā ākonga i whakawhiwhia ki te **Kaiaka**:

- i whaitake te whakamahinga o ngā rautaki reo e rua.
- i pai te wetewete o ngā āhuatanga e hāngai ana ki te horopaki.
- i purua ētahi kupu taunaki ki roto i tana mahi.

Ngā ākonga i whakawhiwhia ki te **Paetae**:

- i whakamahi noa i ngā rautaki reo e rua.
- ka hāngai te whakamahinga o ngā rautaki reo heoi, kīhai ētahi ākonga i āta wetewete i ōna āhuatanga, ka whakahua noa, ka mutu ki reira.

Ko ngā Ākonga **Kāore i whakawhiwhia** ki te Paerewa nei:

- kotahi noa iho te rautaki i kōwhiriwhiria.
- kīhai ngā kōrero i hāngai ki tā te ākonga i kōwhiriwhiri ai.

92076: Te whakamārama i ngā āhuatanga motuhake o tētahi momo reo kua ākona.

Te Tirohanga:

He aromatawai tuhituhi e hāngai ana ki te taumata tuatahi o Te Marautanga o Aotearoa. He tuhituhi e kite ai te ākonga me ōna pūkenga whakamārama i ngā āhuatanga o te reo kua ākona.

I whai whakaaro te nuinga o ngā ākonga ki te whānuitanga o te whakamārama, ki ngā whakaaro matua me ngā āhuatanga whāiti, hei taunaki i a rātou kōrero.

Pūrongo Paerewa Paetae:

Ngā ākonga i whakawhiwhia ki te **Kairangi:**

- he tōtōpu tana whakamārama i ngā āhuatanga motuhake o tētahi momo reo kua ākona.
- i wetewete i ngā āhuatanga motuhake, i rawe tana matapaki i ngā āhuatanga e hāngai ana ki te horopaki.
- tāpirihia ake he kupu taunaki, he kupu whakarākai hoki i hāngai ki te ākonga.

Ngā ākonga i whakawhiwhia ki te **Kaiaka:**

- he hōhonu te whakamārama i ngā āhuatanga motuhake o tētahi momo reo kua ākona.
- he tauira, he kupu taunaki, he kupu whakarākai.

Ngā ākonga i whakawhiwhia ki te **Paetae:**

- i whakamārama noa iho nei i ngā āhuatanga motuhake o tētahi momo reo kua ākona.
- i paku whakamārama i ngā āhuatanga motuhake o tētahi momo reo kua ākona.
- he taunaki, he kupu tautoko ēngaria kāore i whakamārama, kāore i hāngai ki tōna horopaki.

Ko ngā Ākonga **Kāore i whakawhiwhia** ki te Paerewa nei:

- kotahi noa iho te rautaki i kōwhiriwhiria.
- kīhai ngā kōrero i hāngai ki tā te ākonga i kōwhiriwhiri ai.

